

cet aliquam verorum principiorum exhibeant speciem: non tamen genuina sunt, sed artis solius ingenio prognata. An autem artificiales eæ partes facultatem aliquam possideant? Maximè verò, non eam duntaxat, quæ primordia redoleat, sed quam ignis contagium induxit, nouam, efficacemq; , vt quasi nouum mixtum prodierit in lucem. Ignis certè vis magna est: quam Galenus extollit: vt eorum sententiam improbet, qui momentaneo vsu salis theriacalis, parum adiuti, existimabant nil profuturum, quod incendio vim omnẽ medicã proiecisset. Subijcit enim: Vt antidoto

*De theriaca
ad Pisonem
cap. 18.*

*Ignis multa
reddit me-
liora.*

*Tetr. 4. f. 1.
the- c. 97.*

parẽ facultatem non habere salem affirmo, sic omnem ipsius vim aboleri penitùs nego. Nam ignis multa efficit meliora, & interdum latentem rerũ naturam detegit, quædam etiam, quos volumus in vsus, apta reddit. Nam omnia simul accensa, hoc est, integri cum sale serpentes exusti, sicut ignis opera, noxiam exedentẽq; corporis nostri facultatẽ deponũt, ita cõuenientem medicaminib. opem assumunt. Hæc Galenus: quæ nec Aëtius inficias it: quin potius salẽ astruit